

DEO OPTIMO MAXIMO VNI ET TRINO, VIRGINI DEIPARÆ,
ET SANCTO LVCÆ ORTHODOXORVM MEDICORVM PATRONO.

QVÆSTIO MEDICA
QVOD LIBETARIIS DISPVATIONIBVS MANE DISCVTIENDA
IN SCHOLIS MEDICORVM, DIE IOVIS XII. FEBRVARII.
M. SEBASTIANO RAINSSANT, Doctore Medico, moderatore.

An oculi sunt animi, vt corporis indices?

A
I
C
H
O

NIMA, mortalis forma corporis, incorporea licet & immortalis, ita cum ipso sanguinis & spiritus triplicis vinculo coalescit, vt in eo sine his immorari vterius non possit, nedum operari. Hinc dum sibi mutuo consentiunt, plurimarum ad inuicem causæ sunt affectionum. Corpus hesternis onustum vitiis affigit humi diuinæ particulam auræ: ab exuperanti in corpore succo quisque suos in anima patimur manes: febrilis æstus mentem & appendi facultatem transuersas agit, neque suis finit contineri terminis: adeo à corporis affectibus anima tumultuario rapitur impetu. Ex aduerso quantæ turbæ ab anima fuscitentur in corpore, facillè intelligas, cum istud reciprocis ab appetitu concupiscente iactatum & irascente fluctibus obseruaris; quorum tempestatibus adeo interdum frangitur, vt derepente vitæ priuetur & animâ: nimia denique mentis contentio & longior vigilia ipsum tandem labefactant atque faciunt.

οὐλοῦν, ἐπιχρῆμα, ὁ ὁρμῶν οὐλοῦν, totidem corporis partes, functionibus vitæ cuiuslibet obeundis destinatæ, materiâ constant & propriâ temperie. Primarum qualitatum in viuente corpore συμμετρίαι humores sequuntur & spiritus: ex horum multiformi varietate, ac velut oceano, infinita propemodum emergit morum & ingeniorum diuersitas. Quot sensibus nostris offeruntur illorum indicia, tot insignes horum notæ cateruatim emicant: neque solum è cutis, vnguium, pilorum, linguæ, faciei que imprimis erunt coloribus; sed ex habitu quoque, consistentiâ, motu, figurâ, quantitate totius & partium vnâ deteguntur. Cordi & arteriis manum admoue, animam contrectabis: nec sensu magis, harum partium motus; quàm animi affectus, ratione depromes. Natura hominem manu donauit sapientiæ causâ; ex cuius explicatæ scissuris implicitas alioquin humorum & morum, vitæ longioris & breuioris, temperamenti & ingenij notas ingeniosius explicari putes.

ORPVS humanum ex innumeris conflatum partibus, vnum sit, animæ infermantis vnitate, partium dissimilium continuitate, & singularum consensu mirabili, *ἐξ ὁμοῦ μίαν, συμπαθῆα πᾶσι*. Principium magnum ad extremas vsque partes peruenit, ab his vicissim ad idem peruenitur principium. Id manifestè quidem elucet circa faciem, frontem, totum caput, & si quæ sint aliæ partes, in quibus sapientiæ plurimus decor affulgeat: at circa oculum euidentissimè, qui vt nulli corporis externæ parti (an etiam internæ?) est inferior, ita omnibus ac singulis in aperiendis operis animi motibus, superior. Exactè mundum vtrumque maiorem & minorem æmulatur: vnus est qui cœlos vndique exprimat, substantiâ, raritate, perspicuitate, lumine, colore, figurâ, numero, motu, actione, situ: immò vt sol in cœlis cæteros planetas, ita oculus in capite reliquos sensus dignitate antecellit. Huius gratiâ caput conditum & in supremâ corporis parte collocatum, tum vt suam spectet originem, tum vt subditum corpus regat, atque hinc & inde imminet, & bona, quæ prosequatur; & mala, quæ declinet, longè latè que prospiciat.

VMORES & spiritus, vt sanitatis & morbi, sic & actionum omnium parentes, intra corpus in suis ergastulis latent, patent in oculis; non secus ac in speculo aut mundissimâ veste quæuis macula. Hi à sanguine dominante rubent, pallent à pituitâ, flauent à bile, nigricant ab humore melancholico. Iidem fecunditatis & sterilitatis testes locupletissimi, nimium simul arguunt veneris vsum. Quem foetum muliebres loculi regunt, oculi detegunt; & quis sit futurus, longè antequam prodeat, ipsi non obscurè produnt. Vnâ cum corpore & valent & dolent, non præsentium duntaxat affectuum interpretes, sed & futurorum præfagi. Eorum ferocitas cerebro delirium, peruersio conuulsionem futuram, aut resolutionem portendit. Syncope, præceps virium, primò cordis, atque insimul reliquarum partium lapsus, præsentitur oculorum languore: in morbis salutem & mortem prænuntiant. Ignis ille natiuus in corde, tanquam in foco delitescens, non prius marcescit aut exstinguitur, quàm ipsius in oculis splendori tenebræ offundantur. Vltimi omnium oriuntur, moriuntur primi, *ὁ οὐκ ἔστι φῶς οὐκ ἔστι ἀνελκόμενος ἐν τῷ ἀρχῶν, ὅθεν ἔλθει*.

CVLI vt corpus, corpus vt anima, se habet. Istorum eadem est ac speculi natura; siquidem anima quemuis alium ita videt in oculis, vt ab eodem vicissim in iisdem videatur. In cogitatione & curâ stant immoti, quasi cum mente simul attenti. Quibus feruet sanguis, ij ad iram proni sunt: horum si faciem intuearis & oculos, intenso rubore suffundi percipies, exæstuante ab imis præcordiis sanguine. Timidis contrâ, eodem ad interiora represso, oculi cum facie pallore fœdantur, & quasi ex impendente malo tremere, continuo nectant. Pudore *ἀντιβλέπεις ὁ δναιται*. Delectatione cor dilatatur, sanguis & spiritus quoquoque in amplexum boni tam suauiter effunditur, vt tota facies & oculi iucundâ venustate decorentur; quâ non modò carent tristes, sed accedente nouâ turpitudine, contristis vnâ cum corde cæteris partibus, *συνπαθῶν* iure nominantur. Quid plura? nunquid elatum in oculis animum cernimus & demissum, misericordem & inuidum. Ex iis amoris vibrantur faces, quos ideo deosculamur lubentiùs, quod ipsum animum propius attigisse videamur.

Igitur oculi sunt animi, vt corporis indices.

Proponebat Lutetiæ PETRVS MORIAV Parisinus. A. R. S. H. M. DC. XLIII.

DOMINI DOCTORES DISPVATVRI.

M. Gilbertus Puyson.
M. Victor Pallu.
M. Georgius Ioudouin.

M. Hugo Chastel.
M. Nicolaus Heliot.
M. Ioannes Vacherot.

M. Claudius Lienard.
M. Renatus Moreau, Professor Regius.
M. Dionysius Allain.